



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

De sanctorum corporum translationibus à Carolo celebratis. cap. 6.

urn:nbn:de:hbz:466:1-10502

suit, qui multa per se, virtute, studioque suo, cum ad optimum ecclesiæ statum contulisset; eo etiam Carolus, eiusque apostolica auctoritate in alijs multis vñs est, ad ea consequenda; quæ vel tunc quidem a se tentari opportunum non iudicabat; vel auctoritate sua ordinaria ipse non poterat comprehendere: præcipue ad ea corrígenda, & ordinanda, quæ in ecclesijs regularium opus erant. inter alia per eum effecit, vt locatum pauperum hospitalitati, curationique; tum pijs alijs operibus destinata, ad Archiepiscopalem recognitionem, speculationemque reuocarentur: quique iis locis præfeti erant, in eorum administratione diligentiam ad sacrorum canonum præscriptum iureiurando recipierent. quod eorum nonnulli res eiusmodi vel negligere, vel ita curare solerent, vt suis potius, amicorumue commodis, quam rebus sacris seruirent interdum: cum alioqui tamen viri nobilissimi plurimi singulari fide, ac diligentia eiusmodi negotia pietatis ergo suscepta tunc gererent. omnino longe alia ratione Carolus illud visitandi munus accepit, atque alij quidam. nam & ad ecclesiæ suæ perfectam disciplinam quam plurima conferri, addique studebat; & quod suæ culpe esset, id demonstrari, corrigeque valde latabatur. dicebat maximam eiusmodi se officij expertum esse utilitatem: nam cum natura homines in suis erratis cognoscendis parum videant, multum in alienis; cum aliorum Episcoporum res ipse perscrutaretur; in aliorum culpa, suam sese agnosce-re: cum vero alius res suas recognosceret, multa, quæ se antea fugerant, doceri. Episcopus igitur festo die ante altare sedens, populo nunciauit discessum suum; dixitque se peragrasse totam diœcesim; ecclesiæ omnes, præciuas per se, re-

liquas per alios lustrasse: res omnes ita ordinatas compérisse; vt ei ad multa discenda misericordia ea functio valde opportuna fuisset. quod perfectum non esset, præscriptum esse tamen in vnaquaque ecclesia diligenter. ideo fere vno executionis verbo posse actionem suam se concludere: cui Carolus è sede sua respondit: usurpare se posse illud sanctorum píscatorum, Tota nocte laborauimus, & nihil coepimus; nunc in verbo tuo laxabo rete. nihil ad id tempus fere suis laboribus cum fecissem; eius tum Præsulis verbis, atque virtute, quæ ex Apostolica Sede Romana Christi Domini Vicarius misserat, fructum tandem laborum ita sperare, quæadmodum illi cum iussu Domini reti ecceſſent, magnum píscium numerū ad littus traxerunt. alia addidit pro modestia sua, & ea quam semper habuit erga Romanam Ecclesiæ summa reverētia. Episcopus autē ad Casalensem, aliasq; prouinciæ ecclesiæ perlustrandas se contulit; quæcū Carolus vna cum alijs ad metropolim suam pertinentibus inspiciendæ essent, & componendæ; commode tamen ei muneri vacare non poterat.

Sed reuocanda oratio est ad translationes sanctorum corporum referendas; quibus Iubilei celebritas valde illustrata fuit, animiq; religiosius ad salutis suæ negotium procurandum præparati. Inter alia salutis adiumenta, quæ Carolus ecclesiæ suæ posset afferre, illud erat plane magnum; beatorum virorum, quorū reliquias locupletata, ornataq; erat, memoriā redintegrari: vt excitata, vel renouata erga patres, patronosque suos populi pietate; nosset in posterum, velleque ad eorum confugere præsidium in calamitatibus suis. quā ad rem, licet non parum valuerit, aliquid ex eorum historia delibatum edere, quod in ecclesiæ libro factum est; maxime tamen opportunum

De Sandrum corporum translationibus a Carolo celebratis.
CAP. VI.

num erat, ipsas sanctorum reliquias in apertum proferre; solenni Ecclesiæ pompa more maiorum circumferre; populo ipsi ante oculos proponeare. Eius rei idonea illa visa est occasio; quod, ut altaria, aliæque ecclesiæ partes, quemadmodum plerisq; in locis Caroli tempore factum est, instaurarentur; locis suis sacras reliquias mouere necesse fuit. omnino turpe erat, populum Mediolanensem plurimos pastores habere, quorum sanctitas publice colitur; multos itē Christi insignes martyres, præclaræ ciuitatum præsidia: quorum nedium opem frequenter, ut debebat, imploraret; reliquiasque veneraretur; sed ne memoriam quidem fere teneret. opportunè vero, & ut videtur, diuinatus, Carolus fecit; ut ea clade ciuitati impendente, de qua paulo post dicemus; tum Iubilei religione; tum voluntate in coelestes patronos suos pie inflammada, plebem Mediolanensem ad animorum castitatem, salutariaque studia exercearet; quo minus coelesti domicilio indigni, migrantes ex hac vita reperiuntur. Atq; iā ante annos quinque, hoc est postridie 1 x. Sept. M. D. LXXI. sanctas reliquias mouerat, & recognouerat, quas Basilica olim sanctorum Naboris, & Felicis, nunc sancti Francisci habet: sed sine eo apparatu, quem postea antiquæ pietatis esse animaduertit, & ad pios animos sancte commouendos accommodatum. reliquias Apostoli Barnabæ nonnullas a facello suo: martyrum Naboris, & Felicis, Caij item, & Materni Præfulum Mediolanenum, a capite ecclæ, vbi altare maius erat; ad locum transtulit, vbi nunc illud situm est. alias recognouit, & suis locis reliquit; martyrum Felicis, & Fortunatis Sauinæq; matronæ. Nunc autem celebriorem translationibus addidit apparatus. Erat inter commemorataam Basilicam, quæ nunc est sancti Fran-

cisci, & Ambrosianam; alia sancti Vitalis nomine dicata, quæ Fausti Basilica fuisse putatur; de qua etiam apud sanctum Ambrosium mentio est. ab ea titulum parochiæ Carolus cum amouisset; mox etiam ei persuasus est, ut eam monachis Ambrosianis concederet. prius autem inde exportandum putauit corpus veteris Archi episcopi Mediolanensis, Monæ, sub altari conditum; cuius memoria in ecclesia Mediolanensi colitur pridie id. Octobris. Atq; die translationi dicto, qui post nonas Februarij con sequebatur, quo die prima erat supplicatio ad sanctum Ambrosiū ob Iubilei memoratam præparationem; misit vesperi, qui locum recognosceret, & quæ opus erant, pararet nocte accessit ipse. ibi, arca lapidea, quæ in terram defossa erat, aperta; post preicationem, stola collo inducta, ad sepulchrum abiectus, singillatim ossa illa veneranda extrahebat; & in arca serico panno intus ornata, tacitus, menteq; in sancti patris meritis defixa, cōponebat; astantibus canonicis nonnullis linea veste indutis, qui pio operi inferuiebamus; & alijs item presbyteris, diaconisque præséribus; quorum quidam lachrymas præ animi suauitate; gaudioque tenere non poterant. Arca deinde cum ossibus posita super altare; nocturnas preces ad sancti honorem accommodatas primò recirauimus: post etiam quæ diei illius erant addidimus. inde cum essemus profecti; canonici alijs successere; & post eos alijs; ut tota nocte ex sacris institutis essent, qui ibi vigilarent, & precaréntur. Mane, his peccatis, quæ ad supplicatione pertinebant; ex Ambrosiana Basilica, ad corpus venimus; quod ornatissimo ferebro humeris portandum erat. charum onus subiere in anteriore parte Carolus, & Episcopus Salaminæ; in posteriore duo p̄cipua dignitate canonici. extra ecclæ, canonici vicissim

fuc-

succedentes, usque ad maiorem ecclesiam portauere, sacris, & pretiosissimis indumentis ornati omnes. multos iam dies cœlum nubibus erat, pluuijsque perturbatum: at cum efferretur sacrum corpus, magna omnium lætitia, & admiratione, serena, clarissimaque luce fulsit. cleris universus, hymnos, psalmosque ad rem accommodatos per choros musicos cantabat. tubarum sonus frequens ciebat pios animorum motus. Senatus se etabatur. multitudine præterea infinita. luminum vis innumerabilis. Cum ad ecclesiam maiorem ventum esset; feretro in altari posito, Carolus de sancti laudibus concessionem habuit. toto die conuenit populus ad beati parentis reliquias venerandas; immo agnoscendas; cum vel eius nomen plerique ignorarent; tum magno studio, coronis, sibi ad precanum paratis, religionis causa fereum tangi curabant, vespere verbis ab Episcopo Salaminio ad populum apposite factis; magno concursu, in subterraneam ædem corpus delatum est. Post triduum; cum tertiaræ supplicationis gratia Carolus itidem ob Iubileum ad sancti Simpliciani cum clero venisset; aliam celebrauit translationem. Aronæ in ecclesia sanctorum Felini, & Gratiniani, quam Societas I E S V traditam diximus; erant corpora sanctorum martyrum Fidelis, & Carpophori. cum eorum memoria in oppido yix vigeret; locus certe sepulchri ignoraretur; religiosa patrum cura, in altari demum inuenta sunt. Atque cum veteris, & angustæ sancti Fidelis ecclesiæ loco, quam eis olim Carolus Mediolani tradiderat: amplam, & magnificam ex ciuium liberalitate coepissent ædificare; ad sanctorum cultum magnificentius, & ad multorum salutem utilius fore existimarunt; si ea corpora Mediolanum transferrentur; & Fidelis corpus, una cum mar-

tyrij socio in suam ædem referretur. Ea igitur ex Caroli consensu, qui oppidi sui rationem, augendi cultus causa, minime habuerat, ad sancti Simpliciani ecclesiam priuatim deportata; solemai ritu, atque apparatus ad constitutum locum transferenda erant. Carolus eò feria sexta nocte venit; reliquias composuit; diuina nocturnæ precationis officia obiit; ibi fuit donec lux appropinquaret. mane autem statim supplicatione absoluta, V. Idus mensis eiusdem, ad nouæ ecclesiæ locum eas magna celebritate transtulit; ipsis societatis clericis umbraculum honoris causa supra fereum gestantibus. At populus Aronensis, quo inscio corpora fuerant asportata, paucis post, cum id cognouisset, valde commotus, acri admodum studio; ut vehemens esse solet in huiusmodi genere popularis impetus; de recuperandis reliquijs inititit; neque conquituit, donec eorum partem a Carolo acceptam in eandem ecclesiam Aronam referret. Addam aliam similem celebritatem, quæ fuit eiusdem anni mense Iulio. Obscurio autem, si cui forte videbor res huiusmodi aut diligentius colligere, aut pluribus exponere; quam ad propositum finem intento, properantique gratum videatur: ut æquo animo patiatur, aliquid me rerum nostrarum memoriarum, non sine multorum fructu concedere; piisque nostris hominibus gratificari. Versamur etiam in hoc genere libentius, quam in Caroli rerum asperitatibus exponendis: quæ licet constantiæ, patientiæ, sacerdotalisque roboris contra aduersa omnia retinendi, exemplum Dei ministris præclarum præbeant; illud tamen inest molestię, quod res pijs temporibus propemodum indignas scribere necesse est. Piget explicare turbulentos quosdam motus, qui hoc ipso diuinæ placationis optatissimo té-

po-



pore extiterunt. Itaque ad aliam translationem veniamus. Nonnullis ante annis monachi, qui ab Oliue to monte nomen traxere, nouam ecclesiam sancti Victoris coeperant, pulchram, & magnifici operis. quæ perfecta, veterem, quæ proxima erat, dirui volebant. illam dico, quæ Portiana veteribus appellata est; & sancti Ambrosij litteris, actionibusque illustrata. sed prius sancta corpora, quibus locus abundabat, tollenda erant, & in nouam ecclesiam transferenda. occasionem libenter arripuit Carolus splendidæ translationis celebrandæ, quæ & sanctorum reliquias honos tribueretur, & Mediolanensis pietas erga illos quoque diuinos eius custodes renouaretur. Arcæ lapideæ erant plures ossibus plenæ, circum altare sub terram collocatae: quæ ossa, licet neque nominibus, neque alijs signis distinguerentur; aliud tamen iudicari de ijs non poterat, quæ ex ijs sanctis corporibus esse, quibus eam ecclesiam esse copiosam veteribus monumentis testatum est. Vna erat arca sub altari, altius quam aliæ defossa: in ea corpora sanctorum Victoris martyris, & Satyri, sancti Ambrosij fratris, erant. his igitur omnibus primo legitimate recognitis: demum I I X. Caled. Augosti quo die S. Iacobi festum celebratur, Carolus ad locum, vigilandi ex instituto, precandique gratia; quia postridie futura transla-

tio erat; se contulit. ibi nocturnis pre cibus de more habitis; & sancti Victoris vita recitata; ossa omnia ita composuimus; ut septem feretra portanda parentur. Postridie cleru vniuersus in maiore ecclesia coactus, ordine ad sancti Victoris processit: vnde sublata sacra diuini amoris pignora, primò canoniconum, deinde monachorum humeris, vijs apparatis, cantu ad beatorum gloriam significandam accommodato, circumlata sunt, tanto spatio, quantum opus erat ad longissimos sacrorum hominum ordines producendos; maximamq; multitudinem capiendam. quibus ad eandem ecclesiam relatis, sacro sanctæ Missæ solempnia celebrata sunt. reliquiæ toto die in conspectu populi relicta, qui frequentissimus eo, magna pietate confluit. vespere autem reuerso Carolo, sericis illæ pannis inuolutæ, præsentibus notarijs, in capsas plumbeas recondita sunt. quæ Victoris, Satyrique erant, separati in altare maius ecclesiæ sunt illatae. Aliæ in suis arcis lapideis a vetere ecclesia deductis, positæ, in facello, quod ea de cauſa monachi, Carolo auctore, ad suam subterraneam ædem addiderant; ita in varijs capsis separatæ, ac in facelli angulis, quantum fieri potuit, collocatae sunt; ut pri mò fuerant inuentæ.

